



**China Masters: Kidambi Srikanth
tanabuba round tongogo**

**Congo nung Ebola tashidak agi
nisung 3,000 dak tema süogo**



VOL. XXIII ISSUE NO. 322 (ADOK 322) DIMAPUR YANGTEPNÜ (THURSDAY) RONGJUI (SEPTEMBER) 03, 2026 ₹ 5.00

Sentiyanger Imchen-i Nagaland Labour Chowk mobile app sayatsü

Dimapur, September 2, 2026 (TYO): Chief Secretary, Sentiyanger Imchen, IAS-i September 2, 2026 nü Nagaland Labour Chowk mobile Application sayatsügo.

Iba app ya Department of Labour-i Nagaland Building and Other Construction Workers Welfare Board ajanga yangluogo aser Nagaland nung Building and Other Construction Workers (BOCW) maparen tip atemtsü.

Digital Labour Chowk ajanga traditional labour chowk system tajungba kümdaktsütsü. Iba app ajanga mapa inyakertem asoshi

maongka agütsütsü aser welfare schemes o skill development services teyari angutsü.

Iba app ajanga registered workers den sendakteptsü aser BOCW ecosystem nung tashishitsü malitsü aser service delivery tajungba akümtsü. Iba app ajanga worker registration, job search aser labour engagement inyaktsü.

Nagaland Labour Chowk mobile application ya Google Play Store nungi download sütettsü. Iba app download asüba sülen register süa mapa inyaktsü maongka den tanga services angutsü akok.

D Ledia Awomi aser L. Chuba Lkr nati sempet angu



Dimapur, September 2, 2025 (TYO): Nagaland nungi entrepreneurs ana- D Ledia Awomi-i Best Cultural Performance aser L. Chuba Lkr-i Best Aromatic Plant sempettem nguogo.

August 26-30, 2026 tashi Bharat Mandapam, New Delhi nung Film Expo India den külemi Ideabaaz Startup Fest 2026 ayonga amungdang item sempet agüja liasü.

D. Ledia Awomi ya Ethnic Group of Nagaland (EGON) president lir aser iba benjung nung ethnic fashion show ka ketdangsüa agia liasü.

Tesüiba nung lai tetsür teloktem den külemi inyaksem, fashion events ayonga agi aser local movie production nung adenba ajanga Ideabaaz den metettepa aküm ta Ledia-i ashi.

Ideabaaz den amalitepa tarutsü nunga Nagaland nung sobaliba takar ajungkettsü imlar. Tourism Department, Government of Nagaland-i nungita yariba atema pelar ta laisa shisem.

L. Chuba Lkr ya M/s L.C. Longkumer Agar Processing Unit

kibur lir. Pai iba unit ya 2016 nung tenzük aser tebui 1960s tejaklen nungi agarwood plantation maparen tenzuka liasü aser tebu asüba sülen pai agarwood oil production atema processing unit tenzük.

Nagaland nung agarwood tsünütsü ali, tzü aser tsüngküm tajung lir aser Nagaland nung yangluba agarwood totzü ya kanga tajung ta Chuba-i ashi.

Pa customer teimba ka middle eastern linüktem nungi lir aser Dubai o Bangkok amala international markets nung shishilembatsü sentong lir ta paisha ashi.

Chuba-isa 100% Nagaland agarwood amshia agar grade oil ka yanglutsü tebilemba lir ta Chuba-isa shisem.

Paisa lanur entrepreneurs dang iba wadang inyaktsü kechiyong shiametetba balaka mali nunga inyakteter ta ayongzükogo.

Tetenzük nung sen endokba dak alaka senotsü kangabo meindoker saka quality agarwood oil adoktsüba ya anibelem mapa ka aser tarezmük kanga nüngdaker ta Chuba-isa ashi.



Nagaland Chief Minister aser Political Affairs Committee (PAC) Convenor Dr. Neiphiu Rio-i anir PAC züngsemtemi September 2, 2026 nü Lok Bhavan, Kohima nung Nagaland Governor Nand Kishore Yadav den ajurutepdang agiba noksa ka angur.

Dimapur nung PM Vishwakarma Scheme indang sentong agi

Dimapur, September 2, 2026 (TYO): September 2, 2026 nü Hotel Saramati, Dimapur nung PM Vishwakarma Scheme kübok Awareness Workshop on Branding and Marketing sentong ka agiogo.

Iba sentong ya Ministry of Micro, Small and Medium Enterprises (MSME), Government of India-i MSME Development and Facilitation Office (MSME-DFO), Dimapur ajanga ayonga agi aser Department of Industries and Commerce o District Industries Centre (DIC), Dimapur ajanga yaritepa liasü.

PM Vishwakarma scheme ajanga PM Vishwakarma beneficiaries tashi itdaktsütsü nükjidong lir. Iba scheme ajanga branding, product packaging, labelling and design, export development, financial literacy, business development, artificial intelligence (AI), e-commerce

aser digital payment solutions tesayubatem agütsür.

Iba scheme nung Rs 15,000 tashi toolkit incentive agütsür aser iba ya basic skill training tenzük dang e-vouchers ama agütsür. Beneficiaries-i enterprise development atema Rs 3 lakh tashi collateral-free loans angutsü akok aser iba ya tranches ana-Rs 1 lakh aser Rs 2 lakh lemsar 5% nung agütsür.

Maneni, digital payments ajungkettsü atema ita nung 100 transactions tashi atema Rs. 1 per digital transaction tajanzük agütsür.

Iba scheme ajangasa Government e-Marketplace (GeM) amala e-commerce platforms nung quality certification, branding aser onboarding teyari agütsür.

PM Vishwakarma Scheme kübok traditional trades 18 dena lir aser item rongnung carpenter,

potter, boat maker, armourer, blacksmith, hammer and toolkit maker, locksmith, goldsmith, sculptor, mason, barber, garland maker, washerman, tailor, fishing net maker, basket weaver, doll and toy maker, aser cobbler dena lir.

Iba sentong DIC Dimapur nung Functional Manager N. Abeno Lotha-i tesentepertem pelaa agizük dang PM Vishwakarma Scheme kübok maongka aser teyaritem agitsü ayongzük.

Nagaland nung Vishwakarma 25239 tema register süa lir aser iba nungi 4590 tashi verification jenjang asemprong ajangogo. Vishwakarma 1900 shi ka respective trade nung training agiogo, 884 tools agütsüogo, Rs 4.07 crore jungnüa loans 419 agütsüogo, Meesho online shopping site nung artisans 33 denogo aser Amazon nung kar denogo ta MSME-DFO, Dimapur Director Mohd. Ali Rahman-i ashi.

Manipur Assembly-i NRC bangzüng akangshir

Imphal, September 2, 2026 (Agencies): September 2, 2026 nü Manipur Legislative Assembly session tenzük dang state sorkari Census magidang National Register of Citizens (NRC) update asütsü bangzüngtem renemba akangshiogo.

12 buba Manipur Legislative Assembly nung tibuba session tenzükba anogo nung ruling BJP aser opposition Congress tsüngda obang meputep adoka o atsütepa jembitepa liasü.

Opposition Congress-i Manipur nung NRC update asüba onük benoka lemsateptsü asüng dang saka ibaji sorkari memulung. Ajsüaka Chief Minister Yumnam Khemchand-i tesüiba nung assembly ajanga iba asoshi lemtet agia aliba akangshitsü atema bangzüng ka benoka liasü.

Idangji BJP aser Congress tsüngda o atsütepa jembitsü tenzük aser opposition-i iba onük jungjunga jembiba sülen ang tanga bangzüng ka renemtsüla ta noktak.

Assembly-i August 5, 2022 aser March 1, 2024 anogotem NRC updaton atema bangzüngtem renemogo anungji assembly-i iba tangatetbaji dang akangshitsü akok ta ruling puri opposition den toktep.

"House-i August 5, 2022 aser March 1, 2024 anogotem bangzüngtem renema aliba akangshir aser India sorkar dang Manipur nung Census meinyak dang National Register of Citizens (NRC) mezüng update asütsü ayongzük" ta Manipur Assembly-i tanü bangzüng agizüka ayu.

"NRC tebilemtsü ya jungjunga jembitsüla kechiyong iba ya state asoshi kanga tongtipang lir. Lungkak aitiba manener. Tetsür shishilembartemi yashi nungi tenzuka aonung piyong lungkak aiter. Nübertemi iba osang tejangja metetnür anungji asenoki bangzüng merenemdang jungjunga olemteptsü nüngdaker" ta taoba chief minister aser Congress lennir Okram Ibobi

Singh-i ashi.

Centre-i Census athiba atema tebilemtsü abener kechiyong state sorkari iba lemtet osang metetdakjaka Census athiba mesüra NRC updaton indang official statement mesüra Gazette notification kecha mali ta Ibobi-isa ashi.

"Manipur nung alirtem taginüba aser tebilemba angateta Centre-i Census athitsü lemtet. Gazette notification agütsütsü atema inyakim ka lir aser anogo ishika tsüngda official notification sangdongtsü" ta Chief Minister Khemchand-i ashi.

"Union Home Minister menden ser Delhi nung senden ka amendang Census athitsü telemtetba agi. Ni iba senden nung liasü, Manipur Governor-a aden. Tang tashi official statement kecha mali, saka onk adenbaji kuli lir. Kodaser ni Assembly session nung ni tiyazü jembitsü? aser India sorkaria kobi melii sangdong ka agütsütsü" ta Khemchand-isa ashi.

Directorate of H&FW-i ketdangsür ana den tepila sentong agi



Dimapur, Rongjui/Sept. 02 (TYO): Directorate of Health & Family Welfare ajanga Principal Director, Dr. Mereninla Senlem aser Director (Health), Dr. Menguzenuo Margaret Yhome na den tepila sentong ka September 2, 2026 nü DHFW Lobby, Kohima nung agia liasü.

Sentong nung Kevileno Angami, Commissioner & Secretary, H&FW, Govt. of Nagaland ajanga jembidang, ketdangsür anati temulung süa tenzükba indang ashi aser nübürtem, department aser institution tajungba kuma melenshitsuia inyakba atema pelaba lemsatepa liasü.

Ketdangsürtem lenisüba tajung aser team tanüla tajung aliba asoshi tenüngsang agütsü aser parnoki bendanga agütsür aser anibelem mesasai mapa inyakba nung shilem agiba indang jembia lai liasü.

Principal Director, Dr. Mereninla Senlem-i tatem o jembidang la temang anema lia iba alizüng tongtetba asoshi Tsüngrem nem tenüngsang agüja liasü.

Lai service nung timtem ajangshiba, takok anguba aser seniors aser külemi tenzükker temi lenmang sayuba indang lai bilemteta jembia aser District Task Force mesüra Administration den tesendaktep tajung aliba ajanga mapa inyakba nung kanga yarir aser nükjidong mashi ka süaka ataloktsü, ta ashi.

Dr. Senlem-i NHM nung sempet tajung aketba aser mapa jeta inyaktetba nübu aika aliba asoshi tenüngsang agütsü aser tarutsü nung temelenshi asoshi tang aliba nübu tem amshitetsü, ta ashi.

Laisa department nung section ajak ano aintsü nükla lir ta ashi aser inyakyim ajunga nung takok angutsü asoshi teka amteper inyaktsü aser temulung rakpoka tebilemba lemsateptsü ajungshia liasü.

Director (Health), Dr. Menguzenuo Margaret Yhome-ia iba sentong nung jembidang, mapa külemi inyakker aser senior tem dang pelaba lemsatepa liasü. Laisa department nung maneni takok alitsü imlaba lemsatepa liasü.

Dr. Keveduyi Theyo, Mission Director (NHM) ajanga sentong nung jembidang, ibai tepila sentong ka masü saka lenir tajung nem tenüngsang agütsüba mapang ka dang lir, aser parnoki mapa tajung inyakba kodanga mamadoktsü, ta ashi.

Pai Principal Director aser Director (Health) nati department tenzükba aser iba mapang takok anguba tem lemsatepa liasü aser Principal Director tasenba ama mapa agizükba o jembidang, pa kanga ajemalua iba mapa agizükker ta ashi.

Iba reju indang senmang ya ketdangsür aikati yangerba lir aser onoki terenlok aser takok indang tongti nükmen nung ajemdaker inyaktsü, ta paisa ashi.

Iba sentong nung Dr. PuseLiegise, Director (ME&RS) menden liasü aser Dr. Bendangtula, Dy. Director (AYUSH) ajanga sentong tenzükba sarasadem. Sentong tembanga Dr. Asunu Thong, Jt. Director ajanga sarasadema liasü.

Mkg nung Pan-India Rescue & Rehabilitation Campaign 4.0 tenzükogo

Dimapur, Rongjui/Sept. 02 (TYO): World Day Against Child Labour nüngtem nung District Task Force, Mokokchung ajanga Pan-India Rescue & Rehabilitation Campaign 4.0 tenzükogo.

Iba campaign ya "Red Card

to Child Labour - Fair Play for Children, Decent Work for Adults" omen kübok June 12 nungi August 31, 2026 tashi agia liasü.

Iba campaign nung shilem ka ama District Task Force-i restaurant, café aser giri

yangludak densema establishment balala den sensaksema tanurtem mapa inyakdaksüba dak sendakba ozüng aser tanurtem aintsü aser shisaliok atema parnok nem kümzüka aliba tesem agütsütsü nüngdakba kibur nem angatetdakja jaja.

Nagaland Angh-i state nung rubber mapatong asadang



Dimapur, Rongjui/Sept. 02 (TYO): Nagaland Angh Nand Kishor Yadav-i Rubber Board Regional Office, Dimapur nungi ketdangsürtem den parnok inyakyim asadangba senden ka Lok Bhavan, Kohima nung September 2, 2026 nü mena liasü.

Iba senden nung Rubber Board ajanga Nagaland nung rubber lu ayimtsü asoshi inyakba maparen balala aser terenlok indang Angh-i asadanga liasü.

Ketdangsür temi state nung tesem balala nung rubber plantations, production,

infrastructure development, farmer training aser terenlok maparen balala inyakba indang osang lemsatepa liasü.

March 31, 2026 tashinung Nagaland nung rubber ya ali hectares 29,794.39 nung tsünüa lir aser yangji süngdongulu kumer ali hectares 11,977.71 aser ano tulu makum ali hectares 17,816.68 nung yoka lir, ta parnoki ashi. State nung total production ya 13,617.21 MT aser hectare ka nung seret 1,166.03 shi agizükker.

Senden nung INROAD Project, Group Processing


Centres (GPCs), Farmer Education and Training programmes, Tappers' Intensive Skill Improvement Programme (TISP), skill development initiatives aser tashidak nungi jenbua alitsü meratem densema Rubber Board-i inyakba reprangshia liasü.

INROAD (Indian Natural Rubber Operations for Assisted Development) Project kübok North East nung large scale plantation development aser rubber ecosystem tashi itshitsü atema mera balala agir. Iba project ya rubber lu ayimba

Wt.Bendangsena alima nungi pilaogo

Kohima, Sept.02 (TYO) : Nagaland Public Service Commission (NPSC) nung taoba mendenbuba Longkhun nunger Wb.Chubanungba kinungtsü Wr.Bendangsena arishi küm 95 nung September 02, 2026 anepdang Bethesda Hospital, Kohima nung anepalua lia alima nungi pilaogo.

La ya Wb.Dr.S.C.Jamir kinungtsü teyi lir aser akhidang Mokokchung nung Head Dobashi Wb.Senkalembaer jala tantsüla liasü. La temang lar taso lima Longkhun nung



bener oagi September 3, 2026 nü aremtsü.

SRGBV angatetdaksüba sentong agi

Dimapur, Rongjui/Sept. 02 (TYO): School-Related Gender-Based Violence (SRGBV) angatetdaksüba sentong ka NI Jamir Government Higher Secondary School, Mokokchung nung September 2 anepdang 8:30 ako nung SRGBV Committee, Mokokchung ajanga ayongzüka agia liasü.

Iba sentong ya kaketshirtem, tesayurtem aser school nung sendaka alirtem nem school dak sendakba nung tetsür tebur anema mapa tamajung inyakba, tanurtem temeden aser safe & inclusive learning environment atema stakeholders tem teinyaktsü balala indang angatetdaksütsü nükjidong nung agia liasü.

Sentong nung Class XII nung azünger Jongpongsashi menden liasü aser Sentienla Walling, Teacher Counsellor, LSC Mokokchung ajanga sarasadema liasü.

Shisalen sayuri School-Related Gender-Based Violence onük nung ajemdaker jembidang, SRGBV nungya mesüshiba, merenshiba, bendanga amshiba densema physical, sexual aser psychological violence tem dena lir aser item ya school telungzük mesüra temeket nung ataloker, ta ashi.

Item mapa ya kaketshirtem tsüngta mesüra nisung tain aser staff densema alitsü akok ta ashi.

SRGBV nungya teka sangshiba, o agi merenshiba, mulungsentsü mesüra tekolok shisatsü timtemdaksüba aser online ajanga

inyakba dena lir ta ashi.

Kaketshirtem dang kati ka akumtsübotsü, o tajung jembitsü aser mesüshiba mesüra merenshiba atalokdak ola madoki mekazüi ketdangsü nem osang agütsütsü ayongzüka liasü.

Tesayur aser school staff tem dang tebandang makai kaketshir timtem angatsü, süoki ia agitsü aser tapet teyari agütsütsü indanga shia liasü.

SRGBV ajangshidang tongmelang mera asem "Stay Safe, Speak Up and Support" bilemtettsü ajungmesoa liasü. Kaketshirtem dang tensa tamajung nungi pila alitsü, tamang katetba nisung tain mesüra school ketdangsür dang teyari meshitsü aser tenüng meseni timtem nung alirtem yaritsü ayongzüka liasü.

Iba sentong nung Imtitoshi, Supervisor, District Child Protection Unit (DCPU), Mokokchung ajanga 'Roles and Functions of SRGBV' indang onük nung ajemdaker jembidang, school nung iba ama timtem nungi kumzüka alitsü asoshi stakeholders tem teinyaktsü lemsatepa liasü.

Imnatola, Supervisor, DCPU, Mokokchung-i 'Child Right' onük nungi jembia liasü.

Sentong tembanga Tamsurenla Longchar, Principal, NI Jamir GHSS ajanga jembidang school nung iba ama timtem majurutsü mechi ajak lungjemer inyaktsü tongtipang lir ta ashi.

ulushitsü aser rubber lu ayimer takum jenjang tajungba kumdaksütsü nükjidong nung lir.

Angh dang Group Processing Centres amenokba indanga lemsatepa liasü, koba rubber lu ayimer arok asoshi processing units, rubber sheets tajungba kumdaksütsü, kija asoshi processing costs ajemdaksütsü nükjidong nung amenokba alitsü.

On-field training, practical demonstrations, awareness programmes aser exposure visits tem rubber tsünür asoshi ayongzüka indanga lemsatep.

Skilled tappers agi ajemba tebilemtsü ajiteta Rubber Board-i Tappers' Intensive Skill Improvement Programme sentong ajanga scientific yimya amshia rubber agizüktsü asoshi hands-on training agütsür.

Rubber tetong nung kongshia Abnormal Leaf Fall tashidak azüoktsü atema drone technology amshiba indanga parnoki metetdaksü. Wokha, Peren aser Niuland district tem

nung drone amshia Copper Oxychloride mozü ali hectares 171.15 nung khaogo, ta ketdangsür temi ashi.

Yimdak yimtsüng nung lenmang tajung maliba, skilled tappers agi anüngba, tangalen nungi labour anir aruba nung metaloka aliba, marketing channels peria maliba aser arem shiruru ajanga rubber tetong raksatsüba densema rubber sector nung tebilemtsü balala ajuruba indang iba senden nung jembia liasü.

Iba den ano Farmer Education and Training programmes, skill development inyakyim ulushiba, Group Processing Centres tali amenoktsüba aser Department of Land Resources, Government of Nagaland den amalitep akatsüba sentongtem Rubber Board ajanga lemsatepa liasü.

INROAD 2.0 nung inyakyim ulushitsü atema sentong yanglutsü tebilemba lir, ta ketdangsür temi Angh nem metetdaksü.



New Delhi, September 02, 2026: India nungger tayimtsü ka nung rescue team ka den mozü touzük ton 5.5 Nepal-i bener otsütsü lia tangokba noksa nung angur.

Himachal nung tzünglu dak sendakba lendong nung nisung 259 asü

New Delhi, Rongjui/September 02 (Agencies): Himachal Pradesh nung tesüiba anogo 64 tsüngda tzünglu dak sendakba lendong balala nung nisung 259 asü aser sen crore 1,200 shi jenjang takoksa nguogo, ta State Emergency Operations Centre (SEOC)-i metetdaksü.

Tang tzünglu maneni aruba ajanga state nung gari lenmang 150 nokanga lir; Mandi kija nung gari lenmang 78 shibangogo aser Shimla nunga

gari lenmang 30 shibangogo. State tesem balala nung distribution transformer regions (DTRs) 374 raksaogo aser ibaji ajanga district aika nung power supply mali.

Tzünglu maneni aruba ajanga water supply network-a raksaogo aser ibaji ajanga scheme 40 shi kongshiogo, ta kasa osang ajanga metetdaksü.

June 30 anogo nungi tenzüka September 1 anogo tashi nung tzünglu dak

sendakba lendong balala nung nisung 259 süogo; tzümetsüng lendong nung nisung 106 asü, anentsüh lendong nung nisung 18 asü, nisung 13 tzü nung arakset aser nisung 153 gari lendong nung asü.

Tzünglu aser tzümetsüng ajanga sen crore 1,202.64 shi jenjang kiojen raksatsüogo.

Tzünglu dak sendakba lendong balala ajanga ki 460 raksa aser kiset shiruru 460 dak tali asü, ta SEOC-isa metetdaksü.

EAM S Jaishankar-i Ukraine aser Poland na semdangtsü

New Delhi, September 02 (Agencies): September 3-5 anogotem nung External Affairs Minister, S Jaishankar-i Ukraine aser Poland na semdangtsü, ta Bodhbarnü ministry of external affairs (MEA)-i metetdaksü.

Pai linük ana nungji lenirtem den linüktem tsüngda tesendaktep onüktem nung o lemteptsü aser regional onüktem nunga o lemteptsü.

Jaishankar-i Ukraine foreign minister Andrii Sybiha aser Poland deputy prime minister & Foreign Minister Radoslaw Sikorski na den senden amentsü.

MEA-i, Jaishankar-i linük ana semdangba mapang nung linük ana denji tesendaktep tajungba akümtsü atema jembitsü, ta metetdaksü.

Anogo ishika tejaklen Ukraine Tir office nung first deputy head, Sergiy Kyslytsya

aser India ambassador to Ukraine Anjani Kumar na senden mena liasü.

Kyslytsya-i X ajanga, Kumar tenati Ukraine-India tesendaktep atema jembiba den külemi Ukraine nung rara anentsü atema India-i inyaksangshiba lemsatep, ta metetdaksü.

Paisa, tawa Ato kilonser Narendra Modi-i Russia Tir Vladimir Putin dang rara anentsü atema mapang tongogo, ta ashiba metetdaksü.

"Onoki maneni India den ken o jembitsü yongyar aser yimjung atema telemteba agia inyaksü imlar," ta Kyslytsya-i metetdakja liasü.

Russia-i anünglen nungi amakba mapang Ukraine nung India nungger ka asüba sülen iba senden mena liasü.

Ukraine Tir Volodymyr Zelenskyy-i, Russia-i amakba

mapang nung India nungger ka densema nisung 12 asü, ta metetdaksü.

"Russia nunggeri anünglen nungi amakdang nisung 12 asü, parnok rongnung India nungger ka densema liasü, iba dak alia nisung aika yiruogo. Takoksa anguba kibongtem den ni mangyim jashi lemsateper," ta Zelenskyy-i ashi.

Kyiv nung aliba Indian Embassy-i iba lendong nung asüba India nungba'er kinüngertem den tongtepratepdar aser tekaraba nung tasüamang bener arutsü atema inyakdar.

Poland Ato kilonser Donald Tusk-i India semdangtsü mapang ana nung lia Jaishankar-i Poland semdangtsü.

Poland ambassador to India, Piotr Antoni Switalski-i, Tir Donald Tusk-i India semdangtsü atema renemdar, ta metetdaksüogo.

Bihar sorkari Nepal tzümetsüng nungi aluba angomachitsü tuyur

New Delhi, September 02 (Agencies): Bihar state sorkari nüburtem dang Nepal tzümetsüng nungi ponger aluba angomachitsü tuyuogo.

Mongolbarnü Dairy, Animal & Fisheries Resources Department-i, Bihar tesem kar nung mejangjaba angomachitsü, aser itemji Nepal nung tzümetsüng ajanga ponger aluba asütsüa akok, ta metetdaksü.

Department-isa, item ama angomachitsü, aser itemji Nepal nung tzümetsüng ajanga ponger aluba asütsüa akok, ta metetdaksü.

Tzümetsüng ajanga awatzüng, tzübo aser ayong balala nung aliba angomachitsü, aser itemji Nepal nung tzümetsüng ajanga ponger aluba asütsüa akok, ta metetdaksü.

Ajioda Nepal nungi tzümetsüng ajanga mejangjaba angomachitsü, aser item ama osangji district fisheries officer mesüra local administration nem metetdakjang, ta department-i metetdaksü.

Department-i, tzümetsüng aluba mapang nung ponger aluba angomachitsü, aser item ama angomachitsü, aser itemji Nepal nung tzümetsüng ajanga ponger aluba asütsüa akok, ta metetdaksü.

Department-isa, angomachitsü, aser item ama angomachitsü, aser itemji Nepal nung tzümetsüng ajanga ponger aluba asütsüa akok, ta metetdaksü.



September 02, 2026 nü New Delhi nung Delhi Lieutenant Governor Taranjit Singh Sandhu-i Union Minister of Youth Affairs & Sports, Mansukh Mandaviya ajurudang tangokba noksa nung angur.

UN Secy. General Guterres-i India semdanga Brics Summit nung adentsü

New Delhi, September 02 (Agencies): UN Secretary-General Antonio Guterres-i New Delhi semdanga 18buba BRICS Summit nung shilem agia adentsü.

BRICS summit ya September 12-13 anogotem nung ayongzüka lir.

2026 küm atema BRICS chair India lir.

BRICS senden nung züngsem linüktem aser partner linüktem den tejaokertem adentsü, ta Ministry of External Affairs (MEA)-i metetdaksü.

Osangbenertem den jembidang Guterres atema otongdar, Stéphane Dujarric-i, BRICS senden nung Guterres-i shilem agitsü, ta metetdaksü.

BRICS summit nung China Tir Xi Jinping aser Russia Tir Vladimir Putin nata adentsü.

Taküm BRICS summit omenji 'Building for Resilience, Innovation, Cooperation and Sustainability' lir.

India chair kübok India nung aliba yimti 25 nung senden 350 dak tali menogo.

agi pezübenbuba chair lir.

Guterres tang agi kümsük (term) anabuba UN secretary-general inyaker aser pa kümsük taküm December ita nung tembangtsü.

Taküm February ita nunga pai New Delhi semdanga India-AI Impact Summit nung aden. Iba summit ya Global South nung mezüng ayongzüka AI summit liasü.

SCO summit nung adentsü atema Bishkek semdangba mapang nung Guterres-i Iran Tir, Masoud Pezeshkian den jurila senden ka mena liasü.

Guterres-i Iran nung rara ajanga meimchirtem timtemba aser rongsenkettzüng tsütsü takoksa kanga anguba atema tebilemtsü akaba lemsatepa liasü.

Paisa Iran nung rara anentsü atema ken o jembitsüla aser international ozüng akhümtsübütsüla, ta ashi.

BRICS Summit nung Iran Tir Masoud Pezeshkian-a adentsü aser China Tir Xi Jinping-a adentsü. Tan ita tatembanglen China Tiri US semdanga US Tir, Donald Trump den senden amentsü sentong lir.



September 02, 2026 nü Asheville, US nung G20 Finance Ministers & Central Bank Governors (FMCBG) senden nung Union Finance Minister, Nirmala Sitharaman-i World Bank Group Tir, Ajay Banga den senden amentsü tangokba noksa nung angur.



TIR YIMYIM

YIMOBILE (EDITORIAL)

DIMAPUR THURSDAY, SEPTEMBER (RONGJUI) 03, 2026

Telongpur o temapur na mebandang

Manipur nung Deputy Chief Minister Nemeha Kipgen kinungbo Thangboi Kipgen ya telongpur telok ka tenüng agi Kuki National Front- Progressive (KNF-P) nung mendenbuba lir ta Manipur government nung Deputy Chief minister Losii Dikho den Naga nung MLA-temi aitsüba osang ya asenok aika asoshi tesüngmangtsü osang ka asütsüa akok. Atangji, state government nung Deputy Chief minister ka apuani telong nung alir tanishir ka lir ta metetdaksüba osangji aika atema tangatettsü tasak asütsü. Ano, Manipur nungsa tesüngmangtsü kaji, Deputy Chief minister ana lir aser tena rongnung kati ka aitsüteptsüsa kümogo, kechiyong tena rongnungji ka Naga nung aser ka Kuki tsür aser tang ya Manipur nung kin ana ya mejungi tsükchitepba mapang lir. Iba jagi, Naga nung Deputy Chief minister jagi pa den kasa Deputy chief minister Kuki tsürla jagi la kinungboer telongpur telokji yarir, anungji la merenshitsüla aser la kinungbo telung nung alisangji aputsüla ta akanger. Ibaji Chief minister-i bendangtsüla. Ajisüaka, Delhi nungi Narendra Modi o Amit Shah na temelaba magiibo Chief minister-ia kecha meshitettsü. Tang ya Manipur nung Meitei nungertema telung nung alir telok aika lir, kasaji Naga aser Kuki nungertem telok aika lir, iba jagi balaka Manipur nung sepaitemi tensa maziükteter. Ano, Kuki nung telungpurtem anema kecha meinyaktettsüsa Kuki nung telungpurtem o India government na tsünga tangatettep ken o ka renema lir, anungji tang yabo Kuki nung telongpurtem o India sepaitem na tsünga yimjung mapang lir. Ajisüaka, Naga nung telung nung alirtembo India government den Nagaland nung yimjung nung liaka, Manipur nungertemi Manipur nung Naga nung telungpur o India government na tsünga yimjung nung alitsü memelar. Aji oda, lia-lia Manipur nung Meitei nung asoshi mesadem kaji, parnokji Kuki nungertem den puteptsüla masü aser Naga nungertem dena meputepteter ta terata ka kümogo. Iba ama mapang ka nung telongpur ka kinungtsü Deputy Chief minister ser government aotsü shisatetba tangatetbaji angatettsü tasak. Atangji, Manipur nung dang masü saka Nagaland nunga kinunger tedi tenu tsünga ka India government mapa nung aser ka Naga nung nuchiso bushiba telok nung ta alitsüa akok. Ibajia temangmangtsüka saka iba dang nung jagi kangasa tetamatsü taketba mapaji apuani rongnung ka state government nung Deputy Chief minister aser ka telongpur telok nung mendenbuba ta asübaji asütsü. Atangji, aji parnok tai masü, kechiyong Deputy Chief minister asütsübaji parnoksasa shimtetba masü saka Delhi ashi angaa Chief ministeri shimba lir, anungji pa den aliba Deputy Chief minister ana putepdaktsütsübaji Chief minister mapa asütsüla. Iba amajika putepdaktsüka mesüra, tang parnok senshibajibo, ashiko, kodanga majuruteptettsüa akok, kechiyong Manipur state assembly nung Meitei, Naga aser Kuki nungertem ya akhi ama külemi mena ken o lemteptsü tasak kümogo. Iba yimten tensa tiaji angatetertemi Manipur ya Union government-i Jammu & Kashmir agi Union Territory ana kümtsüba amato, Manipur agia Union Territory asem aküm nungbo ta bilema atar. Iba amaji atalokang tatalok, Manipur nunga aser Nagaland nunga temapurtem o telungpurtem na yimten nung memeyoktepi bentet-benteta pei mapa peii bener otettsüla. Idangji dang yimten ken o tasak agi temela küma telemtetba tajung kati arutettsü.

OLEMSABANG

TSÜRAPOR MAPANG ANEMPONG MAPAREN

~ M.Meren Ex. Pastor Ungma

(Yashi adok nungi...)

TIR ASÜBA:-

Kodang TIR südir iba anogo nungbo yimkong amongtsü, aser mangkuterong nung yimrong atudang yangluba ama par kimaji yamaji mangkotong songa yur mangko, (Sakhu) ajak tareni metonga ayutsü aser nokinketer sobutsü ajak renema kimaji ayutsü, aser yi lalok ajungtena yur nokinketer aser takartem atenshia lepkhu mabensa tashi yamaji longsutsü. Aser lepkhu-amonger ajakji teroknübuba nung ayong kati or lepkhumonger ajakji tzü chikotoka merüktettsü aser aji lepkhu tabensa.

Tirji pusu jenatoker alir tetemsür ka shiba nokinketer liasü paji Tir asütsü shimtettsü, aser kodang nokinketerterem yim kari mangku pushi-i odir Tir kidang nungi chiko sar ayamesotsü mesüra ano kija süaka mangkhu pushi odir Tir kidang nungi dang ayamesotsü, yamaji ayamesoa aodang Tirsangji teroknü anembongtsü, kechiaser par kidang nungi chiko sar aor-asünungTirji meshiteta melira ter memoatsü mesüra ar-asütsü ta asüba agi yamaji Tirji teti anemponga atatsü. Ano kodang Arü-sertem mangku bener arudir par kidang anenzüktsü aser par kidang nungi mangkhutongtangi atutsü renemtsü aser yamaji mangkhutongtangi tur mapaji temaka Tirsangjibo anogo semer(30) nü anempongtsü. Anungji Tirji nisung mashi meshimer.

NÜJA OR AMBU.

Ano yimtsüng nung kodang kibung kar nung Tasüba atalokdir yimeri par kibungji yariteptsü asoshi kenü kiyonger aser kimang Nüja or Ambu otsütsü aser tasür rong nungji kar kijung-lur lira par Nüja aodangjibo pei pei chitem bener aotsü aser par alu jen matongdang alu nungji tembang dak chitemji mesüloka ayutsü aser chi chiyung mapang nung iba chitemji pushia oa jendangi moe wadangdakji chiyonger atoktsü, shingaia par jendangi maotsü, kechiyong kijung aluba menatsü asüba agi yamaji ashibanga aru. Kijunglurji kinungtsü tama süra kinungboji pa tekolak ku sütoktsür malir, anungji nisung kar ku agi sabanger senzüa lira kijunglur kolak amani tasa jembitsü, kechiaser shibai kuji sütoktsüdir kijung aluba menar ta ashibang.

Tasür kibungji tenetnü buba nung alu semzüki aotsü aser jendang mimong nung aut ajak jungjunga yatoker miyong toka misen aputsü aser alu jen meket inyaker atoktsü, iba dangji alu SEMZÜK ta aja. Tanu asüng ki tasen asüba ajak, lenmang tasen apiba ajak aser mapa tasen ka renemdang aji lapokdang SEMZÜK SEMZÜK ta jembia pai semzüksü ta jembir saka Semzükbajibo tetezü balaka nung tsüraburi amshia aru. Anungji tanü -asüng benshiba SEMZÜK yabo tetezü tai jembir.

Ano Tashidak tamajung agi asürtembo eg agi komo agi tenseta asüba ama yamalajibo bakti tejen ka nung longa apur oa leper nungji süngtong ka dak metongloka alenloka yutsütsü ta yamaji benshi.

(Maneni asüng adok nung...)

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger agateta agitsü mepishir

India nung French Mission küm 250 ajungbamong among



August 25-27 anogotem nung Pondicherry nung Paris Foreign Missions Society (MEP) nungi Khristan missionary tem India-i aruba sülen küm 250 ajungbamong amongdang tangokba noksa nung angur.

September 02, 2026: Southern India nung Catholic Arogoi Paris Foreign Missions Society (MEP) nungi Khristan missionary tem India-i aruba sülen küm 250 ajungbamong among.

August 25-27 anogotem nung Archdiocese of Pondicherry-Cuddalore-i Pondicherry yimti nung aliba Minor Seminary nung France nung missionary tem India-i aruba sülen küm 250 ajungbamongji ayongzüka among.

Iba benjungmong nung Archbishop Francis Kaliste-i MEP superior general, Father Vincent Sénéchal agizüka liasü.

Iba benjungmong ya küm 250 tashi Khrista osangtajung sangdongba aser nüburt

tenzüka aruba benjungmong ka lir, ta shia Archdiocese-i MEP tenzükertem - Bishop François Pallu, Bishop Lambert de la Motte aser Bishop Ignace Cotelendi nung nem tetushi agütsü.

Iba sentong nung Pondicherry Angh, K. Kailashnathan aser Chief Minister N. Rangasamy natia lokti den salem osang lemsatapa liasü.

August 26 nü Hyderabad nungi Cardinal aser Catholic Bishops' Conference of India Tir, Anthony Poola leniba nung tekülem sentong agia liasü.

August 27 nü tatembangbuba anogo sentong nung putir Sénéchal leniba nung tenüngsang agütsüba sentong agi aser Pondicherry nung aliba

Immaculate Conception Cathedral nung chapel tasen ka meshiteta semzü.

Pondicherry nung iba sentong jelia putir Sénéchal-i Kerala semdanga MEP teyari agia France nung azünger putir 53 ajurua liasü.

1971 küm nungi tenzüka tang tashi nung MEP-i India nung putir 230 yaria züngdaksüogo.

Sénéchal-i, MEP indang scholarship program ajanga India nung putir aika yariogo, ta ashi.

Pondicherry ya 1674 nungi 1954 küm tashi French colony ka liasü. 1776 küm MEP nungi missionary tem Pondicherry-i arua liasü.

Tanübo Pondicherry ya Indian Union kübok union territory ka lir.

Yirusalem nung Khristan school aika nung class magiteter

September 02, 2026: Israel ketdangsertemi West Bank nung alir staff 70 dak tali indang work permits renew mesütsüba ajanga Yirusalem nung aliba Khristan school aika nung class magiteter.

Yirusalem nung 'academic year' September 1 nungi tenzüksü liasü saka tesayurtem aser staff tem nem permits magütsü tashi school melapoktsü, ta General Secretariat for Christian Schools in Jerusalem (GSCS)-i metetdaksü.

Yaküm September ita nung GSCS-i hopta ka jungnüa longkak aitba ajanga ketdangsertemi tesayur 171 nem work permits agütsütsüsa aküm.

Latin Patriarchate of Jerusalem indang GSCS-i, "Tesayur 70 indang work permits magütsüba ajanga school tem kongshir. Kaketshirtem nem shisaliok agütsütsü temeden atema onoki maneni inyaksü iba denji külemi Khristan school temi shisaliok

mission maneni nendaka inyaksü, kechiyong iba ya onok maitsü aser sobaliba lir," ta metetdaksü.

"Ketdangsertem telemtetba ajanga onok school tem tashimeitdaksür, mission mapa nung tetsükdaksü agütsür, kaketshirtem, parnok kibongtem, staff tem aser loktiliba kongshir," ta kasa sangdong ajanga metetdaksü.

"Iba timtem ya tekeraba nung bentettsü onoki sarasademer aser imlar, aser tarutsü nungbo item ama ya mataloktsü atema sarasademer," ta parnoki metetdaksü.

East Jerusalem nunga item ama telemtetba ajanga kaketshir 15,000 shi takoksa ngudar.

Taküm January ita nung Knesset (Israel Parliament) nung ozüng tasen ka agizüka Palestinian Authority (PA) universities nungi degree anguba tesayurtem Israeli school system nung magitsü telemtetba agia liasü. Iba telemtetba anema CSCS aser

ANOGO ABEN TSÜNGREM DEN

Teti Taküm

"Tsüngrem Chir tenüng nung amangba nenok teti tatem maka taküm kar aji nenoki metettsü asoshi nenok dangi ni item züluogo." I Yohan 5: 13.

Tekümtet temoatsütem rong nung tazüngbaji takümji lir. Khrista akabaji taküm akaba, kechiaser takümji techir dak lir. Kibuba Yisu asüba aser tasü nungi shia aruba ajanga iba takümji agütsür.

Teti takümji Tsüngrem temoatsü lir. Adam nungi tenzüker teti takümji nungdaka arur. Adami temenen mena aser tasüba angu. Adam temenen ajanga temang nung tasüba agi atong. Tanela tasübajia Adam temenen ajanga aru. Adam Eden tsüki nungi aridok. Tsüngrem aser nisung pila aser Tsüngremi Adam menen nembangtsü atema temelener agüja mesüdaksü asübo, Adami teti asoshi tasüba ngur lila.

Teti takümji tetenzük aser tatembang maka. Aseni amangba mapang nungi iba taküm agizüker, kechiaser Khrista asenok taküm dangi arur. Asenok tasü nungi Tsüngrem dangi aor. Asenok kodang temenen nungi tatok angur ibaji teti taküm alitsü tenzüka lir. Asenok temenen nung tasü liasü, saka Tsüngremi Par jabaso sempet agütsüba ajanga taküm kümdaksü.

Lenmang ana nungi teti taküm akaba jangjashitsü akok. Mezüngbuba, Pa o nung nangzüka ama Tsüngrem tenangzüka nung mulung lemteta lir. Tanabuba, kija takum aliba yimya aser mapa ajanga. Na taküm lir ma ?

Oba, Ne Chir kü nem taküm agütsüba asoshi Ne tenüng asanger.

Nepal tzümetsüng lendong nung Khristantem-a 75 asüba jangjaogo

September 02, 2026: August 26, 2026 nü Nepal nung ajungben tzümetsüng lendong tulu atalokba sülen tang tashi nung nisung 1,130 asüba jangjaogo aser meyrjang aika samar mangur; iba lendong nung Khristantem-a 75 asüba jangjaogo.

Nepal Ato kilonser Balendra Shah-i, "Tanü ni jashiseta nenok matsüngdang nokdaker. Rasuwa nung aliba Bhote Koshi ayong nung ajungben tzümetsüng lendong ajanga linük nüburt

Open Doors nung inyaker kati, "Ozü Arogo nungi züngsem 17 samaogo aser tang tashi mangur. Iba tzümetsüng ajanga kibong aika kongshiogo. Kibong aika nung tsüraburtem makai kümogo, tetsür aika amitsürtem kümogo aser kibong aikati mangyimdar," ta metetdaksü.

Nepal nung pastor kati, ozü Arogo nung züngsem aika anogo shia aayanga kibong mesürtem liasü; talisa hydropower projects, tunnel yanglurtem aser ayongküm anasa mapa inyaker

Alima nung Khristantem alitsü atema linük tamajungtiba 50 rongnung Nepal ya jenjang 46buba nung lir (Open Doors World Watch List).

AO OSHI ANGAZÜKDAK:**TANÜ ANGAZÜKTSÜBA OJANG****Zütsüra**

(n) teküp temesüing küma chitema aoba tashidak (leprosy)

* Tanü asüngbo zütsüra melamelaa anepteter.

Züzüa

(v) yimpazüa aliba (not seriously, frivolous)

* Asenok tamangertem ajak züzüa kümogo.

OLONG PAITEP # 7638

1						2				3
								4		
5		6				7				
8										9
								10		
				11		12				
		13								
14						15				
				16						

TIPIEN

1. O jembitsü tashi - 8
5. Süngjang tapu ka - 5
7. Tekanük nung enokba - 5
8. Teka amtep - 5
12. Tzüik asendak - 5
14. Tsünpang tema aliba - 5
15. Ken atenba yimya - 5
16. Asangur - 8

LANGTSÜNGLEN

1. Tepok telung nung shilem ka - 7
2. Tamajung aküm - 5
3. Chi den külemi achiba - 3
4. Meimchir alimai aruba - 3
6. Laishiba nung ayong ka - 4
9. Tarutsü nükla - 7
10. Tamendakdak/Nükjldong - 4
11. Tenük-telen mejungi aküm - 5
13. Terok nungi adokba - 3
14. Meimchir telemasa - 3

OLONG PAITEP # 7637 TELANGZÜBA**TIPIEN:**

1. Taa, 3. Teküm, 6. Aibelen, 7. Aut,
9. Ajizük, 10. Ojala, 11. Semer,
13. Sen, 15. Kioksü, 17. Itsük,
18. Kar.

LANGTSÜNGLEN:

1. Tai, 2. Asensor, 3. Tanü, 4. Kua,
5. Mitsüktsü, 6. Azübenshi, 8. Lah,
9. Jangkok, 12. Akok, 14. Nashi,
16. Sür.

NAI-A YA METETTER

Ahmedabad nungi arishi küm 21 tain kaketshir Yash Hemang Baxi-i alima otsü tasen ka yangluogo. Baxi-i device, chart mesüra written aid kecha melii minute 5.14 nung linük 120 indang mapang shitetba agi iba otsü yangluogo.

Meghalaya aser Nagaland nung HYBE India auditions alitsü

Guwahati, September 2, 2026 (Agencies): HYBE India ajanga linük ajungalen female performers bushiba nung Meghalaya aser Nagaland adener.

South Korean entertainment company-i mezüingbuba round nung nisung aikati shilem agiba ajanga maparen ulushir.

HYBE India-i September 2 nü "HYBE India Audition: Final Call" initiative ulushiba metetdaksüogo.

Parnoki global artist

ecosystem sasep nung vocals, rap, dance, acting aser modeling sempet bushir.

Iba round nung Lucknow, Dimapur, Kohima, Shillong, Jaipur, Indore, Goa aser Kochi nung on-ground auditions agitsü.

Tanü nungi online applications tenzüikogo aser iba ya October 31 tashi aotsü. Tejangrartemi HYBE India official audition platform nung register asütsüla aser preferred city shimsüla.

"Onok dangi applications

aika aruogo aser iba ajanga HYBE-i ano sempet aika bushitettsü lir ta bilemer" ta HYBE India nung CEO Damien Woochang Lee-i ashi.

'HYBE INDIA Audition: Final Call' ajanga parnoki India nungi artists bushir. Onoki sempet aketertem bushitettsü, anepalutsü aser renlokdaaksütsü nükjldong lir ta Lee-isa ashi.

HYBE India-i mezüingbuba round agidang linük 116 nung yimti 1,650 nungi applications arua liasü.

Mizoram-i 'Winter Capital of India' angutsü meranger

Aizawl, September 2, 2026 (Agencies): Mizoram sorkari Winter Festival 2026 atema renemtsü tenzüikogo aser Chief Minister Lalduhoma-i department ajak dang 'Winter Capital of India' ama state ajungkettsü ayongzüikogo.

Tourism Minister Lalnghinglova Hmar aser tongti ketdangsürtem den senden ka amendang CM Lalduhoma-i Mizoram ya 'Winter Capital of India' kümdaktsütsü atema

mapa balala inyakba lemsatop.

"Iba alizüing asoshi Winter Festival ya tongtipang sentong ka lir. Iba ajanga Mizoram sayutsü aser entrepreneurship akangshitsü" ta pai ashi.

Iba benjung ya Tourism Department ajanga ketdangsüa ayonger saka government departments-i shilem agiba aser amalitepba ajanga dang takok angutsü ta CM Lalduhoma-isa ashi.

Winter Festival 2026 atema

sentong balala renema lir aser item rongnung Fisheries Department kübok angling event ka, Commerce and Industries Department ajanga Bamboo Innovation Exhibition aser Information & Public Relations Department ajanga photography exhibition ka dena lir.

Winter Festival 2026 nungsa street decorations aser Christmas Parade dena Christmas-themed activities alitsü.

North Cachar Hills Autonomous Council nüngja melener

Guwahati, September 2, 2026 (Agencies): Assam nung North Cachar Hills Autonomous Council (NCHAC) nüngja melenshiogo ta council ketdangpurtemi sangdong ka nung metetdaksüogo.

NCHAC melena Dima Hasao Autonomous Council Council nungi Dima Hasao (DHAC) ta ajar aser council

kübok department ajaki official communications aser records ajak nung iba tenüng tasenba amshitsü tuyur ta Council Secretariat, Haflong nung Principal Secretary Office ajanga metetdaksüogo.

May 18, 2026 nü North Cachar Hills Autonomous Council Council nungi Dima Hasao Autonomous Council melenba

sangdong nung ajemdaker iba tetuyuba agütsü.

DHAC ajanga Assam kübok Dima Hasao district ajunga madak ketdangsür. DHAC indang headquarters ya Haflong nung lir.

Assam nung hill station ka dang alibaji Haflong lir aser "Scotland of Assam" ta nüngtugu süa ajar.

Shillong Cherry Blossom Festival 2026 osang metetdaksü

Guwahati, September 2, 2026 (Agencies): November 20 aser 21 anogotem Shillong Cherry Blossom Festival 2026 amungtsü sentong renemogo aser taküm-a international line-up lir.

Iba benjung ayongertemi American R&B star Khalid, hip-hop artist Swae Lee aser pop-punk band Boys Like Girls nunger mezüing headliners asem metetdaksüogo.

Taküm nungi Shillong Cherry Blossom Festival 2026 ya tesem tasenba New Shillong Highland Grounds nung

amungtsü. Iba tesem ya Meghalaya sorkari large-scale concerts, festivals, asr tanga sentongtem atema agütsüba lir.

Maneni, international headliners ana metetdaksütsü aser taküm international acts tongti pungu asütsü ta tayongertemi ashi.

Shillong nung Polo Grounds nungi New Shillong Highland Grounds-i benjung belenba ya crowd aser traffic management tajungba asütsü atema lir.

Meghalaya, Assam, Jowai aser kidanger state tem nungi

arurtem senzusenbong züba atema tesem melenshir.

Iba tesem tasenba ya Shillong nungi minute 30 shi orr lir aser entry & exit points aika lir, parking facilities aser dedicated traffic arrangements lir.

Shillong Cherry Blossom Festival 2026 atema tickets September 4 nikongdang 6:00 ako nungi ayoktsü.

Rs 2,500 agi Single-day passes nungi tenzüka jenjang balala alitsü aser RockskiTickets ajanga angutsü.

Congo nung Ebola tashidak agi nisung 3,000 dak tema süogo

Dakar, Rongjui/Sept. 02 (Agencies): Democratic Republic of Congo nung Ebola tashidak poktetba sülen iba tashidak agi nisung asüba 3,000 alemogo ta Bodhbarnü sorkar indang data nung sayur, aser iba linük nung tashidak wara tamajungtiba ya maneni northeast tsütsü prokshia aor.

Iba wara ya Ebola indang Bundibugyo species ajanga adokdaksü aser 2018-2020 mapang poktetba alemba sülen Congo puti otsü nung tesashitiba akum.

Ibai West Africa nung 2014-2016 mapang jatetba tera agi memenepe lir, aser iba mapang Guinea, Liberia aser Sierra Leone nung nisung 28,600 dak tema mena aser nisung 11,000 dak tema asü.

Sorkari ashiba agi, Congo nung iba tashidak agi asür nisung 3,007 jungogo aser cases tejanga 6,186 tongogo.

Iba wara poktetba ya Ituri province nung May 15 nü sangdonga liasü, ajisüaka health ketdangsür aser mongin temi iba tashidak ya January ita tenzüka alitsü südi ta ashir.

Iba sülen Congo ketdangsür, World Health Organisation aser teyari agütsüba telok balalai iba tashidak azüoktsü merangaka tangbo province trok nung prokshia lir.

Surveillance systems tashi maitba, temulung malemba aser nüburtemi memulungba ajanga iba tashidak agi meneper jangjateta tekeraba nung anepalutsü merangba maparen nung tetsükdaksü ajurur, ta

health experts temi ashir. Asürtem ya shilem 60 shi treatment centers nung masü, ta World Health Organisation ajanga asadangteta lir, anungji iba tashidak agi masüdag putettsü merangba nung timtem ajuruba sayur.

Bundibugyo anepalutsü atema vaccines mesüra treatment balaka mali, saka vaccines kar tang teyangludak lir, aser yangji University of Oxford aser International AIDS Vaccine Initiative (IAVI) nungi dena lir.

Congo ketdangsür temi tangya frontline health workers nem Merck indang Ervebo vaccine agütsü tenzüko, koba Ebola sernung Zaire species asoshi license agüja lir aser iba yagi Bundibugyo nungia karbo kumzüker ta amanger.

US-i Iran amakba sülen Iran-i kidanger linüktem amak

Dubai, Rongjui/Sept. 02 (Agencies): America nungeri Mongulbar aonung bomb amshia amakba mapang kiyimba benjong ka nung densema kongshi ta Iran ketdangsürtemi shir Bodhbarnep Iran-i Gulf nung US tembar linüktem nung amak.

US aser Iran tsünga ita ka shi rara anena aliba tembanga tang tesüsa iba azüdokshi tenzüker aser totzü jenjang timba kumdakja alima nung rongsenketzüng tsütsü makmakshimak adokdaksüba den November ita midterm elections agitsü lia US Tir Donald Trump'er Republican Party tebilemtsü tali kumdakja komasür rara ya tembangtsü ta tasüngdangba tasen arur.

Strait of Hormuz nung asetkong ka nung American mitkari Iran indang rocket launchers ka amakba sülen hopta tatemlen nungi US aser Iran tsünga rara tali akum. Asetkong nung rocket launchers ya Iran-i tzü lenmang nung mines khaloktsüba nung amshitsü sentong liasü ta American mitkari ashir. Iran-i tayang kepzüka Jordan nung American bases nung missiles khaloktsü, ajisüaka missiles ajunga nükjidong metongteti raksatsü.

Iran-i Mongulbarnü menur Kuwait nunga drones khaloktsü, saka itemjia khazüka yok. Hombarnü United Arab Emirates-ia par tzüyim len Iran indang drone arua aliba anünglak nung lia soit ta ashir.

Bahrain nung US naval base tongtipang ka lir, aser par air defense systems-ia Iran nungi Bodhbarnep aruba 'fire' nokdangtet ta ashir aser par mitkari sangdong ka nung Iran-i civilians dak tenük yoker amaker ta aitsü.

Bodhbarnü sa Kuwait sorkar indang communications center ajanga ashiba agi, anepdang Iranian drone kati linük yimtiba nung nisung aliba ki tuluka nung kongshia mi adok. Mi ya remsepogo aser iba lendong nung asü-amaba mali

ta ashir. Iraq nung Kurdistan's Counter-Terrorism Directorate ajanga ashiba agi, Irbil area nung tapoktsü oset bena aliba drones ter anünglak nung lia raksatsü. Iranian television ajanga Irbil nung American bases nung tenük yok ta ashi.

Israel mitkaria, Iran-i yariba Hezbollah teloki southern Lebanon nung par sepaitem dak tapoktsü drones ana khaloktsü saka asü-amaba mali, ta ashi.

US-i Strait of Hormuz tzükum nung jila tila, Kuhestak nung kiyimba benjong agia alidak amak, ta Iranian media ajanga ashir. Iba mapang tetsür ana, tanur ana - ka küm pezü aser ka küm 16 - densema nisung pongu asü aser nisung 68 yiru, ta Iranian ketdangsür temi ashir.

Anasa Minab jila nung mozüki ka nung tanur aika anepalua aliba noksa tem Iran indang semiofficial Tasnim news agency nung sayua liasü.

"Aibelen tezü: Item mapa tamajung inyakba ya memerenshi metoktsütsü," ta Iranian parliament indang National Security and Foreign Policy Committee mendenpuba Ebrahim Azizi-i X nung ashi.

US mitkari osang angashiogo saka kodanga civilian tem dak tenük meyok ta ashi. Rara tenzüka anogo US-i missile amshia Minab nung amakdang primary school ka nung kongshia tanur 100 dak tema tepseta liasü.

Taoba ita rara anena aliba mapang US-i Iran dak rongsenketzüng tsütsü nungi nungshia liasü, shirnok

osettsüset jenjang tali akumba, negative growth aser sen jenjang ajema akumba ajanga timtemer, aser Washington-i Strait of Hormuz ya international shipping traffic asoshi lapoktsüner.

Alima nung shishilempaba totzü shilem 20 shi iba tzü lenmang ajanga bena lia Israel aser US nati February 28 nü Iran dak amakba yong Iran-i iba tzü lenmang shibang. Iba strait ya lapoka lir ta Washington nungi aiben sangdongaka, angoshi rong ishishi iba tesem ajanger aser yangji Iran-i mapang shia rong tem amaker.

Bodhbarnü Saudi shipping company Bahri-i ashiba agi, Hombarnü menur par rong ka strait ajanga aoba mapang amak aser iba mapang Philippines nunger rong anir ana asü.

Tang tesüsa amakba ya Tehran-i shishilempaba rong tem aser Middle East nung America nunger sepaitem dak amaktsü merangba asoshi langzüriba lir, ta U.S. Central Command-i ashi.

Trump-i Fox News den phone ajanga jembidang, Iran-i radar systems yanglushitsü merangdak US sepaitemi amak, ta ashi.

"Onoki ataa liasü aser terenemer lia onoki amak," ta pai ashi.

June ita ceasefire tezüngzüktep ka yanglu, saka mapang talangka melie raksa. Pakistan-i linük ana den jembishinü tenzükhitsü asoshi inyaka arur aser tang tashi United States aser Iran den jembishinü akar ta Bodhbarnü ashi.

Egypt anüdoklen bus ka tsükok, nisung 22 asü

Dahab, Rongjui/Sept. 02 (Agencies): Egypt anüdoklen bus ka tsükokba nung nisung 22 asü, ta linük indang health ministry-i ashi.

South Sinai governorate kübok Red Sea anasa Dahab aser Nuweiba jila tsünga Bodhbarnep iba gari lendong atalokba nung nisung 28 yiru.

Egypt aser Jordan media ajanga ashiba agi, iba lendong nung asürtem rongnung Jordan senso 10 dena lir.

Iba lendong atalokba tera ano mejangjateti lir. Iba tesem ya tourist tem asoshi kanga nüngtugu, kong alima tesem balala nungi semdangi arur.

Lendong atalokba mapang

MULUNGEN O



ASO : 21/06/1933

ASÜ : 26/08/2026

Onoki teti meima aliaba obala **Merenchiba Longchar** (Chungtia), shirang yipden nung alidang aser ozü taku marok ajemba anogotem ajak nung kija, kibong aser lokti kwikati ozü kibong den tamang sarasadem den rongsen, shisatsü tajung aser nübu agi yaritepogo, nenok ajak dang kangasa pelaba lemsateper. Nenok ajak dangi tsüngdong arua ozü pelaba meshitet nung iba osang ajanga ajak dang pelaba lemsateper. Nenok mapa tajung atema Tulusang Tsüngremi moajangma.

Temeim kinungtsü, chirnurtem, anükapang aser kinungertem

PELABA LEMSATEPER

"Ni rara tajungji raraogo, Ni alizüngji tonga asemogo, Ni tamangji yuogo. 2 Timoti 4:7



ASO : 15/11/1949

ASÜ : 20/08/2026

Ozü teti meima aliaba asür **Mrs. Atongjemla** (Molungyimsen) la mapang tatsüka shirang yipden nung alidang aser iba lima nungi taküm arishi tempangba mapang Kiyong Kidanger tem, Temeimer tem, Molungyimsen Senso aser Salulamang Senso, Diphupar 'B' nung aliba Arogo, Kibongtem aser Lokti tentet balalatem sarasadem, rongsen, nübo user shisatsü agi meima nungita yariogo nenok ajak dang ozü kibongi kangasa pelaba lemsateper. Nenoki yariba meyipa ozü kecha magütsüteter saka takar Tsüngremi nenok ajak talubosa moajang ta ozü sarasadem.

~ Temeim Kinungbo, Chirnur, Semchirtem, Kinungertem.

Office of the

LONGMISA SENSO MUNG DANG

P.O Mokokchung - 798601 B.P.O Longmisa

Mokokchung : Nagaland

TENÜNGSANG AGÜTSÜR

Kr. Imsunungla Lemtutsur. (D/o. Wb. Pututemjen Lemtur & Wt. Yangersangla Pongen) ajanga GNM 2022-25 Batch NITTE Usha Institute of Nursing Science nungi Academic Topper jenjang ajangzüktetba asoshi LSM ajanga konang tetushi tenüngsang tulu agütsür.

Teyanglur Tsüngremi nü taküm tarutsü anogotem nunga temoatsü nung len ania moajangma.

Sd/- Pangersosang President, LSM

Sd/- I.Senkanungba Ao G.Secretary, LSM

bus nungya nisung kwi mena jungnüa asü ta ashir. liasüar mejangja. Gari mashi aniba aser Egyptian health ministry lenmang junga anepalu masüba ajanga sangdong ka nung, yirur ajanga iba ama lendong aiben alir ajak mozüki asem nem ataloker. anepalutar, ta ashi. Taoba ita north-eastern Egypt nung gari lendong ya Ismailia governorate nung lorry mapang shia ataloker, aser ana tsüktepba lendong nunga ketdangsür temi 2025 küm gari nisung 18 asü aser 30 yirua lendong nung nisung 6,000 liasü.

November ita Nagaland Olympic & Paralympic Games 2026 alitsü

Dimapur, Rongjui/Sept. 02 (TYO): Chümoukedima aser Dimapur nung November 2-14, 2026 anogotem Nagaland Olympic and Paralympic Games (NOPG) 2026 alitsü, ta Nagaland Olympic Association (NOA) ajanga sangdongogo.

NOPG 2026 nungya 4th North East Games 2026 nung asayatsü aliba disciplines tem aser ki o jen aser resources aliba den apet asayatsü.

Taküm Nagaland Olympic and Paralympic Games 2026 nungya Archery (Men & Women), Athletics (Men & Women), Badminton (Men &

Women), Basketball (Men & Women), Boxing (Men & Women), Football (Men), Pencak Silat (Men & Women), Taekwondo (Men & Women) aser Wushu (Men & Women) alitsü.

Tetoktepba osang ya Sports Association shia nem agütsütsü aser iba asayamung atema contingents ya Nagaland nung district 17 aliba ama agitsü.

Asayartem aser team tem registration ya online ajanga October 1, 2026 nüngi tenzüka agitsü aser asayartem tenüng aser official registration ya October 15, 2026 tashi alitsü.

Registration mapa tembangba sülen register süa aliba tenüng tem melentsü memelatsü.

Games Organizing Committee ajanga tanendak, local transportation, chiyongtsü aser technical arrangements tem agütsütsü. Asayartem arutsü aser aotsü anogo ya sangdong balaka agütsütsü.

Nagaland Olympic & Paralympic Games 2026 atema osangtsüsang agitsü ketdangsur Kivitoli (+91 9863188216) aser Boholi (+91 9774635842) alitsü, ta NOA sangdong ajangasa ashi.

China Masters: Kidambi Srikanth tanabuba round tongogo



Beijing, Rongjui/Sept. 02

(Agencies): China Masters badminton asayamung mezüing round nung India nunger Lakshya Sen Bodhbarnü tsükogo, shiba Canada nunger Victor Lai-i straight hames nung tsükdaktsü. Ajisüaka Kidambi Srikanth-i ayong ayonga takok ngua round tanabuba tongogo.

Sen ya 2021 World Championships bronze-medallist lir aser pai Lai ama masayateti minute 38 nung 14-21, 7-21 agi tsüka liasü.

Canada nunger Lai ya World No. 9 lir aser pai taoba ita World Championships bronze medal tanabuba ngua liasü.

Ibai Sen-i Lai den asayaba nung tamakok asem buba liasü. Pai Canada nungba den asaya nung khen takok ngua lir aser ibaji taküm March ita All England Championships nung liasü.

2021 World Championships silver-medallist Srikanth-i tebur kija asaya takok ngua tenzükogo aser pai Chinese Taipei nunger Chi Yu Jen madak 21-16, 21-15 agi takok

ngua liasü.

India nunger ya tarep temeyoktep nunga takok ngua liasü, kong Dhruv Kapila aser Tanisha Crasto nati Thailand nunger Tonnakorn Saeheng aser Tonnicha Saeheng na 21-8, 21-9 agi tsükdaktsü.

Sen asoshi tamakok ya tang mezüing masü, shiba Indian nung World Championships asayamung tenzükli tsüka liasü.

Lai den asaya tenzükdang Sen ya 4-0 agi temaba jenjang nung liasü. Ajisüaka Canada nungbai kanga kera asaya yimya melenshia Sen mangmangdaktsü. India nungbai aibelen maziüktet aser Canada nungbai asaya azüükteta liasü.

Set tanabuba nung iba mesükji asaya liasü. Sen ya 4-11 agi tekübokba jenjang nung liasü aser iba points memelenshiteti Lai-i ayong ayonga akok.

India nunger Bodhbarnü ano tebur tarep Satwiksairaj Rankireddy aser Chirag Shetty na aser tetsür kija asayar Tanvi Sharma aser Devika Sihag nunger asayatsü lir.

Cristiano Ronaldo teyi-i Keralam CM ajuru



Thiruvananthapuram, Rongjui/Sept. 02

(Agencies): Keralam Chief Minister VD Satheesan-i tang tesüsa football asayar mongin Cristiano Ronaldo teyu Elma Aveiro den ajurutebpa indang video ka social media X nung lemsatepa liasü, shiba tang state nung arua lir.

Satheesan-i post ka nung ashiba agi, pai Aveiro dang Malayalis nungeri football aser Portugal nunger asayar tejen meimba indang lemsatepa liasü.

Ronaldo teyi-ia pa tenu dang Kerala indang football fans temi salem shiokba ashitsü ta shiogo, ta pai ashi.

"Cristiano Ronaldo teyi Elma Aveiro den lai Keralam semdangba mapang sensaksema liasü. Malayalis nungeri football aser Cristiano meimba indang la den

lemsatepogo. Laia pa dang Keralam football fans temi salem shiokba shitsütsü nangzükogo. #CR7 #Football #Keralam," ta VD Satheesan-i X nung zülutsü.

Ronaldo ya 'greatest footballers of all time' rongnung ka ta züngshir. Pai kodanga India mesemdang, saka küm 20 dak tema linük nung pa sülen anidakba fans aika lir.

Arishi küm 41 tain football asayar ya Portugal tenüng nung tesüsa FIFA World Cup 2026 nung asaya, saka temelenshi balaka meliasü. Pa 2016 European champions indang matches pongu prong nung asaya aser goal asem agütsütet, saka Portugal ya quarterfinals metongtet. Parnok ya Round of 16 nung Spain-i 1-0 agi tsükdaktsü aser iba asayamung Spain-i koka

liasü.

Alima nung FIFA World Cup balala trok nung goal agütsüteter football asayarji Ronaldo ya kisüng lir aser World Cup knockout match nung goal agütsüteter tambutisang-jia pa lir.

Club level nung Ronaldo ya Saudi Pro League nung Al Nassr nungi asayar aser competitions ajunga nung asaya 151 nungi goal 131 agütsüteta lir. Pa taoba mapang Sporting CP, Manchester United, Real Madrid aser Juventus nungi asaya liasü.

Ronaldo ya Real Madrid indang 'all-time leading goalscorer' lir aser Ballon d'Or sempet ponguben ngua lir. Pai UEFA Champions League ponguben kokogo aser football asayar tajungtiba rongnung ka ta züngshir.

Afghanistan den T20I asayamung atema India squad sangdongogo

Rongjui/September 2, 2026 (Agencies): Afghanistan den T20I asaya asem atema India squad sangdongogo.

Tebur Selection Committee-i asayar 15 shimogo aser team ya Shreyas Iyer lenisüba nung asayatsü. Squad nung Jasprit Bumrah, Sanju Samson, Ishan Kishan aser Vaibhav Sooryavanshi nunger densema lir. Tilak Varma maneni assistant captain asütsü.

Abhishek Sharma, Sooryavanshi, Samson aser Kishan nunger ajak batter ama

shimogo, aser Samson o Kishan na rongnung ka wicketkeeper asütsü.

All-rounder tem rongnung Shivam Dube, Nitish Kumar Reddy, Axar Patel aser Washington Sundar nunger densema lir.

Spin department nung Varun Chakaravarthy aser Ravi Bishnoi na densema lir aser Bumrah o Arshdeep nati anir fast bowler tem asayatsü, kong Harshit Rana-a densema lir.

Ajisüaka Bumrah, Nitish,

Washington aser Harshit nunger ajak ya anema kümogo ta jangja nungdang asayatetsü.

Afghanistan den T20I asayamung atema India squad: Shreyas Iyer [C], Abhishek Sharma, Vaibhav Sooryavanshi, Sanju Samson [WK], Ishan Kishan [WK], Tilak Varma [VC], Shivam Dube, Nitish Kumar Reddy*, Axar Patel, Washington Sundar*, Varun Chakaravarthy, Ravi Bishnoi, Jasprit Bumrah*, Arshdeep Singh, Harshit Rana*.

Mokokchung nung District Level Youth Festival alitsü

Dimapur, Rongjui/Sept. 02 (TYO): Mokokchung asoshi September 23, 2026 nü District Level Youth Festival alitsü, kong sobaliba ken, sobaliba tsüingsang aser declamation nung tetoktepba alitsü, ta District Youth Resources & Sports Office, Mokokchung ajanga sangdongogo.

Jangra aliba kija, clubs, cultural troupes, Higher

Secondary Schools aser Colleges tem iba sentong nung shilem agitsü jaoker aser iba Office nem September 21, 2026 tashinung shilem agitsü jangraba shiti agütsütsüla, ta ashi.

Iba anogomung atema osang tali tejangjaba metetner temi mobile number 9089805577 mesüra 8837062195 nung tongteprateptsü akok, ta sangdong ajanga ashi.

BILEMDANGANG

"Shisaliok ya nüji indang hon kishi lapoktsü sapi lir."